



Broj: 01-18/12
Vareš, 30.01.2012.godine

Na osnovu člana 165. Zakona o zaštiti od požara i vatrogastvu ("Sl. novine F BiH" br. 64/09), člana 145. Zakona o zaštiti od požara i vatrogastvu ("Sl. novine Ze-do kantona br. 5/11) i člana 22. Statuta općine Vareš, broj: 01-25/09 od 29.01.2009 godine, Općinsko vijeće Vareš, na 35. sjednici održanoj 30.01. 2012.godine , d o n o s i

ODLUKU

o organizovanju i funkcionisanju zaštite od požara i vatrogastva

POGLAVLJE **OPĆE ODREDBE**

Član 1. (Predmet odluke)

(1) Odlukom o organizovanju i funkcionisanju zaštite od požara i vatrogastva (u daljnjem tekstu Odluka), na području općine Vareš, uređuje se nadležnost općinskih organa u izvršavanju poslova zaštite od požara i vatrogastvu, obaveze javnih preduzeća, javnih ustanova i pravnih lica u oblasti zaštite od požara i vatrogastva, organizacija i način funkcionisanja zaštite od požara i vatrogastva na području općine Vareš (u daljnjem tekstu: Općina), te druga pitanja od značaja za organizaciju i efikasnije funkcionisanje zaštite od požara i vatrogastva na području Općine.

(2) Ova Odluka, Zakon o zaštiti od požara i vatrogastvu ("Sl. novine Federacije Bosne i Hercegovine", broj: 64/09), (u daljnjem tekstu: Federalni zakon) i Zakon o zaštiti od požara i vatrogastvu (" Sl. novine Ze-do kantona", br. 5/11), (u daljnjem tekstu Kantonalni zakon) predstavljaju jedinstven pravni okvir za vršenje svih poslova zaštite od požara i vatrogastva iz nadležnosti Općine, u jedinstvenom sistemu zaštite od požara i vatrogastvu na području Federacije Bosne i Hercegovine.

Član 2. (Jedinstveni sistem zaštite i spašavanja)

Zaštita od požara i vatrogastvo, na području Općine organizuje se, funkcioniše i čini dio jedinstvenog sistema zaštite i spašavanja ljudi i materijalnih dobara od prirodnih nezgoda i drugih nesreća u Federaciji koji je uređen Zakonom o zaštiti i spašavanju ljudi i materijalnih dobara od prirodnih i drugih nesreća ("Sl. novine F BiH", br. 39/03 , 22/06 i 43/10), a vrši se na način predviđen Federalnim zakonom, Kantonalnim zakonom i ovom Odlukom.

Član 3.

(Djelatnost od posebnog interesa)

(1) Zaštita od požara i vatrogastvo su djelatnosti od posebnog javnog interesa za Općinu, a ostvaruju se na način predviđen Federalnim zakonom, Kantonalnim zakonom, ovom Odlukom i podzakonskim aktima, kao i međunarodnim tehničkim normativima i standardima koji važe u Bosni i Hercegovini.

(2) Vatrogastvo je obavezna javna služba na području Općine.

(3) Vatrogasna djelatnost je stručna i humanitarna djelatnost.

Član 4.

(Nosioc organizovanja i provođenja zaštite od požara)

(1) Osnovni nositelj organizovanja, pripremanja i provođenja zaštite od požara i vatrogasne djelatnosti je Općina, pa je ista dužna i osigurati njihovo trajno i neometano obavljanje, na način predviđen Federalnim zakonom, Kantonalnim zakonom, kao i ovom Odlukom.

(2) Organizacija i funkcionisanje zaštite od požara u Općini utvrđuje se u Planu zaštite od požara Općine, koji donosi Općinsko vijeće na prijedlog Općinskog načelnika.

(3) Plan zaštite iz stava 2. ovog člana izrađuje se na osnovu procjene ugroženosti od požara područja Općine i kadrovskim, materijalnim i drugim uslovima koja su bitna za tu zaštitu.

Član 5.

(Obaveza provođenja zaštite od požara)

(1) Nitko nema pravo svojim materijalnim dobrima i svojim postupcima, neprovođenjem mjera zaštite od požara propisanih Federalnim zakonom, Kantonalnim zakonom i ovom Odlukom, dovoditi u opasnost od požara tuđi život i zdravlje i materijalna dobra. Svako fizičko lice ima pravo na zaštitu svog života i zdravlja od požara, koja se osigurava u skladu s Federalnim zakonom, Kantonalnim zakonom, ovom Odlukom i drugim propisima.

(2) Odgovorno lice za organizovanje zaštite od požara je:

a) vlasnik, odnosno korisnik imovine, kada se radi o privatnom vlasništvu;

b) rukovoditelj organa uprave u Općini;

c) direktor, odnosno drugo odgovorno lice u gospodarskom društvu i drugom pravnom licu, određeno općim aktom pravnog lica.

Član 6.

(Organizacija i provođenje zaštite od požara)

(1) Zaštita od požara mora se organizovati i provoditi na svim mjestima, prostorijama i objektima, koji prisutnim ili mogućim opasnostima od požara ugrožavaju ljudske živote ili imovinu drugih vlasnika.

(2) Zaštitu od požara dužni su da organizuju i provode pravna i fizička lica, i općinski organi i druge institucije koji su vlasnici ili korisnici građevina i prostora, na način određen Federalnim zakonom, Kantonalnim zakonom, ovom Odlukom i propisima donesenim na osnovu zakona, priznatim pravilima i standardima, planovima zaštite od požara, te općim aktima pravnih lica.

(3) Zaštitu od požara u šumama, na šumskom i poljoprivrednom zemljištu dužni su da organizuju i provode sva pravna i fizička lica koja su vlasnici ili korisnici istih, kao i organi uprave koji su nadležni za šume, šumska zemljišta i poljoprivredno zemljište, u skladu sa propisima koji se odnose na šume, šumsko i poljoprivredno zemljište, Federalnim i Kantonalnim zakonom.

(4) Zaštitu od požara dužni su da provode i građani, u svojim stanovima i stambenim zgradama (kućama) i drugim objektima i prostorima, koje koriste za svoje potrebe.

(5) Vlasnik imovine, u smislu stava 2) ovog člana, je fizičko i pravno lice, državni organ ili druga institucija, sa zaštićenim najširim ovlaštenjima posjedovanja, korištenja i raspolaganja nekom stvari, dok je korisnik imovine fizička i pravna lica, državni organ ili druga ustanova, koja na osnovu ugovora koristi imovinu vlasnika, sa preuzetom obavezom po pitanju zaštite od požara.

(6) Svaki pojedinac ima obavezu da vodi računa da svojim postupcima ne ugrožava živote ljudi i imovinu drugih vlasnika ili posjednika.

POGLAVLJE II **PRAVA I DUŽNOSTI ORGANA OPĆINE VAREŠ**

ODJELJAK A. **NADLEŽNOST OPĆINSKOG VIJEĆA, OPĆINSKOG NAČELNIKA** **I OPĆINSKIH SLUŽBI ZA UPRAVU**

Član 7. (Nadležnost Općinskog vijeća)

(1) Općinsko vijeće utvrđuje ciljeve, smjer i strategiju razvoja zaštite od požara i vatrogastva od značaja za Općinu, na period od najmanje pet godina u okviru Programa razvoja zaštite i spašavanja od prirodnih i drugih nesreća u Općini.

(2) Općinsko vijeće, na prijedlog Općinskog načelnika, donosi Odluku o organizovanju i funkcionisanju zaštite od požara i vatrogastvu.

(3) Općinsko vijeće, na prijedlog Općinskog načelnika, donosi Plan zaštite od požara Općine.

(4.) Donosi Odluku o osnivanju Profesionalne vatrogasne jedinice Općine na prijedlog općinskog načelnika .

Član 8. (Nadležnost Općinskog načelnika)

Općinski načelnik u oblasti zaštite od požara i vatrogastva:

a) utvrđuje Procjenu ugroženosti od požara na području Općine, u okviru Procjene ugroženosti od prirodnih i drugih nesreća u Općini;

b) predlaže Općinskom vijeću Program razvoje zaštite od požara i vatrogastva, u okviru Programa razvoja zaštite i spašavanja od prirodnih i drugih nesreća Općine;

c) predlaže Općinskom vijeću Plan zaštite od požara Općine i osigurava njegovu realizaciju;

d) organizuje i provodi zaštitu od požara iz nadležnosti Općine, u skladu sa Federalnim i Kantonalnim zakonom i ovom Odlukom i razmatra stanje zaštite od požara i vatrogastva na području Općine, te donosi odgovarajuće mjere za dogradnju i efikasno funkcionisanje zaštite od požara i vatrogastva;

e) na prijedlog Službe za civilnu zaštitu, utvrđuje istraživačke i razvojne projekte u oblasti zaštite od požara i vatrogastva, njihove izvršioci i način finansiranja tih projekata;

f) donosi akte o organizovanju i funkcionisanju zaštite od požara i vatrogastva;

g) organizuje profesionalnu vatrogasnu jedinicu, u skladu sa potrebama proizišlih iz Plana zaštite od požara u skladu sa odredbama Federalnog zakona, propisa Kantona i ove Odluke;

h) osigurava kadrovske, materijalne, tehničke i druge potrebe za efikasno funkcionisanje vatrogastva u Općini;

i) odgovoran je za funkcionisanje vatrogastva na području Općine;

j) osigurava potrebna finansijska sredstva u budžetu Općine za potrebe zaštite od požara i vatrogastva na nivou Općine;

k) vrši i druge poslove zaštite od požara i vatrogastva iz nadležnosti Općine, u skladu sa ovom Odlukom, Federalnim i Kantonalnim zakonom, i drugim propisima.

Član 9.

(Nadležnosti Općinske službe za upravu)

Općinske službe za upravu, dužne su :

a) organizovati, planirati i osigurati provođenje preventivnih mjera za zaštitu vlastitih zaposlenika, materijalnih sredstava i objekata koje koriste u svom radu;

b) učestvovati u izradi planskih dokumenata iz oblasti zaštite od požara i vatrogastvu, u pitanjima iz oblasti za koju su osnovani i koja se utvrde tim dokumentima, i to:

- Procjene ugroženosti od požara Općine, u okviru Procjene ugroženosti od prirodnih i drugih nesreća Općine;
- Programa razvoja zaštite od požara i vatrogastva, u okviru Programa razvoja zaštite i spašavanja od prirodnih i drugih nesreća Općine;
- Plana zaštite od požara Općine;

c) u okviru svoje redovne djelatnosti, realiziraju zadatke u oblasti zaštite od požara, koji su utvrđeni u dokumentima iz točke b) ovog člana i koji se odnose na oblast za koju su osnovani;

d) ostvarivati stalnu saradnju sa Općinskom službom civilne zaštite o svim pitanjima od značaja za planiranje, organizovanje i provođenje zaštite od požara i vatrogastvu, iz nadležnosti Općine;

e) dostavljati Općinskoj službi civilne zaštite pisana obavještenja, podatke ili izvještaje o podacima vezanim za pitanje zaštite od požara i vatrogastvu, iz oblasti za koju su osnovani;

f) vršiti i druge poslove u oblasti zaštite od požara i vatrogastvu, u skladu sa Federalnim i Kantonalnim zakonom, ovom Odlukom, te drugim propisima i općim aktima iz ove oblasti.

Član 10.

(Nadležnosti Službe za prostorno uređenje i obnovu)

(1) Služba za prostorno uređenje i obnovu osigurat će da se pri izradi dokumenata prostornog uređenja, i to: prostornog plana Općine, urbanističkog plana, regulacijskog plana i urbanističkog projekta, organizaciju i rad dimnjačarske djelatnosti, predvide prostorne i tehničke mjere zaštite od požara, a naročito:

- uslove za efikasno spašavanje ljudi, životinja i materijalnih dobara;
- potrebne razmake ili protupožarnu udaljenost između objekata;
- saobraćajne i manipulativne površine za interventna vozila;
- izvode za dovoljnu opskrbu vodom za gašenje požara;
- primjenu odgovarajućih materijala koji ne mogu biti uzročnicima nastanka i prijenosa požara.

(2) Uz dokumente iz stava 1. ovog člana izrađuje se elaborat zaštite od požara, u kojem se razrađuju mjere iz stava 1. ovog člana.

Član 11.

(Izdavanje rješenja za upotrebu građevine)

(1) Služba za prostorno uređenje i obnovu neće izdati odobrenja za građenje, odnosno izgradnju ili rekonstrukciju, dogradnju i nadogradnju građevine, ako glavni projekt ne sadrži elaborat zaštite od požara (u daljnjem tekstu elaborat), izrađen kako je to propisano odredbama Federalnog zakona.

(2) U povjerenstvo za tehnički pregled izgrađene ili rekonstruirane, dograđene ili nadograđene građevine, za poslove iz stava 3. ovog člana, Služba za prostorno uređenje i obnovu imenovat

će i jednog člana za poslove zaštite od požara, kako je to propisano odredbama zakona.

(3) Odobrenje za upotrebu izgrađene ili rekonstruirane ili dograđene i nadograđene građevine može se izdati tek pošto član povjerenstva iz stava 2. ovog člana utvrdi i dokumentuje da su provedene i sve mjere zaštite od požara predviđene u elaboratu, kao i odgovarajuća pravila tehničke prakse, a posebno slijedeće:

- primijenjeni građevni materijali i elementi konstrukcije odgovarajućih požarnih karakteristika i vatrootpornosti što ih je atestirao ovlašteni laboratorij;
- osigurana podjela građevine u požarne sektore;
- osigurane propisane karakteristike požarnih i sigurnosnih stuba i putova evakuacije;
- propisno obilježeni putovi evakuacije i izlazi prema požarnim i sigurnosnim stubama ili u siguran prostor;
- osigurana funkcionalnost uređaja za odvođenje dima i topline protupožarnih klapni, protupožarnih vrata, hidrantske mreže, stabilnih instalacija za gašenje požara, uređaja/aparata za gašenje početnog požara, sistema za dojavu požara, sigurnosnog osvjetljenja (pomoćnoga i paničnoga) i druge predviđene mjere.

(4) Zabranjeno je korištenje građevine bez upotrebne dozvole, ako su za tu građevinu predviđene mjere zaštite od požara iz stava 3. ovog člana.

ODJELJAK B

NADLEŽNOSTI PRAVNIH LICA, JAVNIH USTANOVA I DRUGIH INSTITUCIJA

Član 12.

(Plan zaštite od požara i opći akti)

(1) Pravna lica, javne ustanove i druge institucije dužne su donijeti Plan zaštite od požara za vlastite potrebe, ukoliko je ova obaveza proizašla iz Plana zaštite od požara Općine;

(2) Pravna lica, javne ustanove i druge institucije, u oblasti zaštite od požara i vatrogastva i u okviru svog djelokruga rada, dužni su svojim općim aktima urediti pitanja koja se odnose na organizaciju i provođenje zaštite od požara, radi zaštite ljudstva i materijalnih dobara koja koriste u svom radu, i to:

- a) utvrditi način organizovanja i ostvarivanje zaštite od požara, u skladu sa Federalnim zakonom, propisima kantona, ovom Odlukom i podzakonskim propisima;
- b) predvidjeti mjere za provođenje i unapređenje zaštite od požara;
- c) utvrditi način upoznavanja zaposlenih lica sa opasnostima od požara na radnom mjestu;
- d) odrediti dužnost i odgovornost svih zaposlenih lica u provođenju propisanih mjera zaštite od požara;
- e) propisati obavezu i način stručnog osposobljavanja zaposlenih lica s mjerama zaštite od požara i izraditi posebna radna uputstva za to;
- f) odrediti lice zaduženo za staranje o provođenju mjera zaštite od požara, utvrđenih općim aktom;
- g) utvrditi sadržaj i način donošenja svog plana zaštite od požara i način njegovog provođenja;
- h) urediti vršenje unutarnje kontrole provođenja mjera zaštite od požara;
- i) odrediti mjesta i prostore na kojima se zabranjuje upotreba otvorene vatre;
- j) utvrditi dužnosti i način postupanja zaposlenih lica u slučaju pojave požara;
- k) propisati disciplinsku odgovornost za zaposlena lica zbog nepridržavanja propisanih mjera zaštite od požara.

Član 13.

(Stručno osposobljavanje i usavršavanje zaposlenih lica za zaštitu od požara)

Pravna lica, državna tijela i druge institucije dužni su kontinuirano organizovati i provoditi stručno osposobljavanje i usavršavanje svih zaposlenika, odnosno državnih službenika i namještenika (u daljnjem tekstu: zaposlena lica) koji se nalaze u radnom odnosu za provođenje mjera zaštite od požara na radnim mjestima na kojima se nalaze, na način kako je to propisano odredbama Federalnog zakona i Kantonalnog zakona.

Član 14.

(Sadržaj projektne dokumentacije)

(1) Pravna lica registrovana i fizička lica ovlaštena za projektovanje građevina dužna su mjere zaštite od požara, predviđene u glavnom projektu, prikazati tako da se na osnovu grafičkih prikaza, proračuna i tekstualnih objašnjenja može ocijeniti funkcionalnost i djelotvornost predviđenih mjera zaštite od požara.

(2) Pri projektovanju građevina u kojima se proizvode ili uskladištavaju eksplozivne tvari, zapaljive tekućine i plinovi, te privrednih i industrijskih građevina u kojima se ugrađuju postrojenja, uređaji i instalacije s korištenjem zapaljive tekućine ili plinova, te građevina za kolektivno stanovanje (osim građevina individualnog stanovanja), industrijskih građevina i građevina za javnu upotrebu, obvezno se izrađuje elaborat zaštite od požara (u daljnjem tekstu: elaborat), koji je sastavni dio projektne dokumentacije.

Član 15.

(Izdavanje rješenja o odobrenju za građenje, odnosno odobrenja za upotrebu građevine)

(1) Radi dobivanja rješenja o odobrenju za građenje, investitor je dužan, uz glavni projekt za građevine iz člana 12. stav 2 ove Odluke, priložiti i stručnu ocjenu i mišljenje ovlaštenog pravnog lica propisanog Federalnim zakonom, da su u tehničkoj dokumentaciji u potpunosti primijenjeni propisi, standardi i drugi normativi zaštite od požara, te da je osigurana funkcionalnost i djelotvornost projektom predviđenih mjera zaštite od požara.

(2) Stručnu ocjenu i mišljenje iz stava 1. ovog člana, daje pravno lice registrovano za poslove zaštite od požara u skladu sa odredbama Federalnog zakona, i ne mogu je davati pravna lica koje su sudjelovale u izradi glavnog projekta.

Član 16.

(Održavanje i ispitivanje aparata za gašenje početnih požara)

Korisnici aparata za gašenje početnih požara (u daljnjem tekstu: aparat) dužni su osigurati njihovo održavanje i ispitivanje ispravnosti i funkcionalnosti u skladu s propisima o tehničkim normativima i standardima koji se odnose na ta pitanja i uputom proizvođača, odnosno najmanje jednom u šest mjeseci ako takva uputa ne postoji.

Član 17.

(Ispravnost i funkcionalnost uređaja, opreme i sredstava za dojavu i gašenje požara)

Vlasnik ili korisnik građevine u kojoj je ugrađen sistem za dojavu i gašenje požara, uređaji za kontrolu i zaštitno djelovanje, uređaji za sprječavanje širenja požara, instalacije i uređaji izvedeni u protueksplozijskoj zaštiti, dužan je osigurati njihovo redovito ispitivanje ispravnosti i funkcionalnosti prema Federalnom zakonu, tehničkim propisima i uputama proizvođača, koji se odnose na ta pitanja, a najmanje dva puta godišnje, o čemu mora voditi evidenciju i posjedovati dokumentaciju.

Član 18.

(Protočni kapacitet i pritisak vode u hidrantskoj mreži)

(1) Javna preduzeća ili druga pravna lica koja upravljaju vodovodnom i hidrantskom mrežom, dužna su pri izgradnji, rekonstrukciji i korištenju ovih mreža, osigurati propisani protočni kapacitet i pritisak vode u hidrantskoj odnosno vodovodnoj mreži za potrebe gašenja požara. Javna preduzeća ili druga pravna lica dužna su stalno održavati u ispravnom stanju hidrantsku mrežu iz stava 1. ovog člana, o čemu vode odgovarajuću evidenciju i o tome izvještavaju profesionalnu vatrogasnu jedinicu, odnosno Općinsku službu civilne zaštite.

(2) Vlasnici građevina i prostora te upravitelji stambenih objekata u kojima je po projektnoj dokumentaciji predviđena i ugrađena unutarnja i vanjska hidrantna mreža, dužni su je stalno održavati u ispravnom stanju, baš kao i vodovodnu mrežu u tim objektima i redovno vršiti kontrolu ispravnosti te mreže, o čemu vode odgovarajuću evidenciju.

Član 19.

(Održavanje instalacija)

(1) Vlasnici građevina i prostora i upravitelji stambenih objekata dužni su održavati u ispravnom stanju postrojenja, uređaje, električne, plinske, ventilacijske i druge instalacije, dimnjake i ložišta koji mogu prouzročiti nastajanje i širenje požara, u skladu s tehničkim normativima i uputama proizvođača, koji se odnose na ta pitanja, o čemu moraju voditi evidenciju i posjedovati odgovarajuću dokumentaciju.

(2) Ako se ne može utvrditi vlasnik iz stava 1. ovog člana, obaveze utvrđene u tom stavu preuzima korisnik građevine, odnosno prostora.

Član 20.

(Vatrogasno dežurstvo)

Vatrogasno dežurstvo se organizuje i provodi u uslovima povećane požarne opasnosti, kako je to predviđeno odredbom Federalnog i Kantonalnog zakona.

Član 21.

(Zaštita od požara u šumama, na šumskom i poljoprivrednom zemljištu)

(1) Odgovornost za zaštitu od požara u šumama, na šumskom i poljoprivrednom zemljištu imaju sva pravna i fizička lica koja su vlasnici ili korisnici šuma, šumskog i poljoprivrednog zemljišta.

(2) Zaštita od požara u šumama, na šumskom i poljoprivrednom zemljištu organizuje se i provodi u skladu s propisima koji se odnose na šume, šumsko i poljoprivredno zemljište, s tim što se mora postupiti i prema odredbama Federalnog i Kantonalnog zakona.

ODJELJAK C. NADLEŽNOSTI OPĆINSKE SLUŽBE CIVILNE ZAŠTITE

Član 22.

(Upravni, stručni i koordinirajući poslovi)

Općinska služba civilne zaštite, u oblasti zaštite od požara i vatrogastva, vrši sljedeće poslove:

- a) preduzima odgovarajuće mjere i aktivnosti na organizovanju i provedbi zaštite od požara i vatrogastva na području Općine, u skladu sa Federalnim zakonom, Kantonalnim zakonom i ovom Odlukom;
- b) obavlja stručne i druge poslove koji se odnose na organizovanje profesionalne vatrogasne jedinice Općine te predlaže i preduzima mjere na osiguranju kadrovskih, materijalnih, tehničkih i drugih uslova potrebnih za efikasan rad i funkcionisanje te jedinice, u kojim pitanjima ostvaruje saradnju sa kantonalnom upravom civilne zaštite, odnosno inspektorima za zaštitu od požara i vatrogastva;
- c) definira i predlaže pitanja koja se odnose na razvoj zaštite od požara i vatrogastva u okviru programa razvoja zaštite i spašavanja od prirodnih i drugih nesreća Općine, sve u saradnji s ostalim službama za upravu općine, ;
- d) izrađuje plan zaštite od požara Općine, i osigurava njegovu realizaciju uz sudjelovanje službi za upravu Općine;
- e) planira i osigurava provedbu poduke i stručno osposobljavanje i usavršavanje pripadnika vatrogasne jedinice iz stava 1.tačke 2) ovog člana i drugih lica koja se bave poslovima zaštite od požara i vatrogastva;
- f) pruža stručnu i drugu pomoć dobrovoljnim vatrogasnim društvima radi uspješnog obavljanja poslova zaštite od požara i vatrogastva iz njihove mjerodavnosti bitnih za vatrogastvo, a posebne aktivnosti provodi kod onih vatrogasnih društava u kojima je osnovana dobrovoljna vatrogasna jedinica radi osposobljavanja te jedinice za efikasno sudjelovanje u gašenju požara;
- g) ostvaruje saradnju s pravnim licima u kojima su osnovane vatrogasne jedinice radi njihova osposobljavanja za efikasno gašenje požara i mogućeg sudjelovanja tih jedinica na gašenju požara izvan objekata i prostora pravnih lica na području Općine;
- h) ostvaruje saradnju sa službama civilne zaštite susjednih općina u vezi sa zajedničkim interesima za zaštitu od požara i vatrogastvo;
- i) vrši i druge poslove iz oblasti zaštite od požara i vatrogastva koji su Federalnim zakonom, propisima Kantona i ovom Odlukom stavljeni u mjerodavnost službe civilne zaštite Općine.

Član 23

(Obaveze Službe civilne zaštite u izradi planskih dokumenata)

Služba civilne zaštite je nosilac aktivnosti oko priprema i izrade planskih dokumenata Općine, i to:

- a) Procjene ugroženosti od požara Općine, u okviru Procjene ugroženosti od prirodnih i drugih nesreća u Općini, uz obavezno učešće subjekata iz člana 8. stav (1), tačka b) ove Odluke. Način izrade i sadržaj Procjene ugroženosti od požara regulisan je propisom Vlade Federacije;
- b) Programa razvoja zaštite od požara i vatrogastvu, u okviru Programa razvoja zaštite i spašavanja od prirodnih i drugih nesreća Općine. Program razvoja zaštite od požara i

vatrogastva obuhvata politiku, strategiju i akcione planove, u okviru kojih se definira vizija, načela, opredjeljenja, ciljevi i područja razvoja za organizovanje i provođenje zaštite od požara i vatrogastva, sa svim elementima potrebnim za njegovo usavršavanje i efikasno funkcionisanje od značaja za Općinu, za period od najmanje pet godina;

c) Plana zaštite od požara Općine, uz obavezno učešće subjekata iz člana 8. stava (1), tačka b) ove Odluke. Način izrade i sadržaj Plana zaštite od požara propisan je podzakonskim aktom Vlade Federacije. Plan se izrađuje na osnovu procjene ugroženosti od požara na području Općine i kadrovskim, materijalnim i drugim uslovima koji su od značaja za tu zaštitu, uz obavezno uzimanje u obzir potreba proizišlih iz Plana zaštite od požara Kantona (Izvoda iz Plana Zaštite od požara Kantona).

Član 24.

(Praćenje organizacije i provođenja poslova zaštite od požara)

Općinska Služba civilne zaštite prati organizaciju i provođenje poslova zaštite od požara i vatrogastva u vatrogasnim jedinicama osnovanim na nivou Općine, pravnim licima, općinskim organima i drugim institucijama u Općini, koji su Federalnim i Kantonalnim zakonom, ovom Odlukom i drugim propisima stavljeni u njenu nadležnost.

Član 25.

(Izvršavanje zadataka utvrđenih u planskim dokumentima)

Općinska služba civilne zaštite – Profesionalna vatrogasna jedinica izvršava zadatke zaštite od požara i vatrogastva, utvrđene u dokumentima iz člana 11. ove Odluke, i ostvaruje saradnju sa općinskim službama za upravu i drugim organima Općine u izvršavanju zadataka zaštite od požara i vatrogastvu iz njihove nadležnosti.

Član 26.

(Neposredno učešće i pomoć u akcijama)

Općinska Služba civilne zaštite – Profesionalna vatrogasna jedinica pruža pomoć u akcijama zaštite i spašavanja ljudi i materijalnih dobara, koji su ugroženi požarom ili eksplozijama, a neposredno učestvuje u akcijama sa profesionalnom vatrogasnom jedinicom Općine.

Član 27.

(Planiranje i nabavka opreme)

Općinska služba civilne zaštite neposredno preduzima ili predlaže odgovarajuće mjere na planiranju i nabavci tehničkih sredstava i vatrogasne opreme potrebne za profesionalnu vatrogasnu jedinicu, u skladu sa zakonskim i drugim propisima iz ove oblasti.

Član 28.

(Informacioni sistem za zaštitu od požara)

Općinska služba civilne zaštite, u okviru operativnog centra, organizuje funkcionalni dio informacionog sistema za zaštitu od požara i vatrogastva, u skladu sa podzakonskim propisom o tim centrima, donesenim na osnovu Zakona o zaštiti i spašavanju ljudi i

materijalnih dobara od prirodnih i drugih nesreća, te drugim federalnim i kantonalnim propisima.

POGLAVLJE III
ORGANIZOVANJE I FUNKCIONISANJE VATROGASTVA
ODJELAK A.
STRUKTURA VATROGASNIH SNAGA

Član 29.
(Vatrogasna djelatnost)

Vatrogastvo je obvezna javna služba kojoj je osnovna djelatnost zaštita i spašavanje ljudi i materijalnih dobara od požara i čije trajno i neometano obavljanje osigurava Općina na način predviđen Federalnim zakonom, Kantonalnim zakonom i ovom Odlukom.

Član 30.
(Struktura vatrogasnih snaga)

(1) Struktura vatrogasnih snaga utvrđuje se u skladu sa procjenom ugroženosti od požara i kadrovskim, materijalnim i drugim uslovima Općine i određuje se prema zadacima iz stava 2. ovog člana.

(2) Struktura vatrogasnih snaga iz člana 32. stava 1. ove Odluke organizuje se i raspoređuje na području Općine, na način da se zadovolje sljedeći zadaci u zaštiti od požara:

- a) potpuna pokrivenost cijelog područja Općine;
- b) zahtjevi specifičnih vatrogasnih intervencija u objektima stambene i industrijske izgradnje, kao i na prostorima i lokalitetima zaštićenog prirodnoga i kulturno-istorijskog naslijeđa;
- c) gašenje šumskih i drugih požara na otvorenom prostoru;
- d) potrebe vatrogasnih intervencija u putničkom i željezničkom saobraćaju;
- e) djelotvorno spašavanje ljudi i materijalnih dobara ugroženih požarom i eksplozijom.

Član 31.
(Snage za obavljanje vatrogasne djelatnosti)

(1) Snage za obavljanje vatrogasne djelatnosti na području Općine su:

- a) osnovne snage za obavljanje vatrogasne djelatnosti, i to:

- 1) profesionalna vatrogasna jedinica Općine, koju čine vatrogasci u radnom odnosu u Općinskoj službi civilne zaštite;
- b) dopunske snage za vatrogastvo, koje mogu činiti:

- 1) dobrovoljne vatrogasne jedinice , koje osnivaju dobrovoljna vatrogasna društva,

- 2) vatrogasne jedinice pravnih lica;

- c) snage koje djeluju u toku izvođenja vatrogasne intervencije ili u drugim situacijama i to:

- 1) jedinice civilne zaštite;
- 2) službe zaštite i spašavanja;
- 3) općinski štab civilne zaštite;
- 4) povjerenici civilne zaštite.

- d) operativni centar civilne zaštite, kao komunikacijsko-informacijska podrška općinskom štabu civilne zaštite i drugim organima, koji rukovode akcijama zaštite na području ugroženom od požara

ODJELJAK B.
(ORGANIZOVANJE I DJELOVANJE PROFESIONALNE VATROGASNE JEDINICE)

Član 32.
(Organizovanje profesionalne vatrogasne jedinice)

(1) U cilju osiguranja zaštite života i zdravlja ljudi i materijalnih dobara od požara, na području Općine, u skladu sa odredbama Federalnog i Kantonalnog zakona, osniva se profesionalna vatrogasna jedinica koja djeluje u sastavu službe civilne zaštite Općine.

(2) Profesionalna vatrogasna jedinica formacijski se organizuje a kao vatrogasno odjeljenje u skladu sa Uredbom o pravilima službe za profesionalne i dobrovoljne vatrogasne jedinice i vatrogasne jedinice pravnih lica, odnosno odredbama Federalnog i Kantonalnog zakona, a čine je vatrogasci koji se nalaze u radnom odnosu u Općinskoj službi civilne zaštite.

Član 33.
(Poslovi profesionalne vatrogasne jedinice)

Profesionalna vatrogasna jedinica vrši sljedeće operativne i druge poslove:

- 1) gasi požar i spašava ljude i materijalna dobra ugrožena požarom i eksplozijom na otvorenom prostoru, šumske požare, požare na građevinama i materijalnim dobrima svih vlasnika i korisnika gdje se god požar pojavi;
- 2) pruža tehničku pomoć u spašavanju ljudi u nezgodama izazvanim u saobraćaju (putnički, željeznički), poplavama, spašavanja s visina i drugim vanrednim situacijama i nesrećama u kojima vatrogasna jedinica može pomoći u spašavanju ugroženih ljudi i materijalnih dobara;
- 3) sudjeluju u provođenju određenih preventivnih mjera zaštite od požara i eksplozija koje se odrede u planu zaštite od požara općine, a koje mogu provoditi profesionalne vatrogasne jedinice;
- 4) pružaju odgovarajuću pomoć u spašavanju ljudi i materijalnih dobara pri postojanju stanja prirodne i druge nesreće.

Član 34.
(Područje djelovanja i rada vatrogasne jedinice)

(1) Profesionalna vatrogasna jedinica, vatrogasnu djelatnost obavlja na području općine Vareš.

(2) Profesionalna vatrogasna jedinica obavlja vatrogasnu djelatnost prema odredbama Federalnog i Kantonalnog zakona i pravilima struke, na području za koje je osnovane bez obzira čiji su ljudski životi i materijalna dobra ugroženi požarom ili eksplozijom.

(3) Vatrogasna jedinica obavezna je sudjelovati u vatrogasnoj intervenciji i izvan područja svoga djelovanja po naredbi mjerodavnog tijela civilne zaštite, odnosno štaba civilne zaštite što se vrši u uslovima utvrđenim Federalnim zakonom.

Član 35.
(Rad profesionalne vatrogasne jedinice)

(1) Rad profesionalne vatrogasne jedinice odvija se neprekidno u smjenama, koje se utvrđuju tako da ukupno radno vrijeme u toku godine u prosjeku ne bude dulje od 40 sati sedmično, s tim da jedna smjena ne može trajati duže od 12 sati, što se utvrđuje aktom o rasporedu smjena.

(2) Iznimno, zbog specifičnosti poslova gašenja požara, rad smjene koja je na intervenciji može se produžiti i poslije 12 sati, ako je to nužno za okončanje započete intervencije na

gašenju požara i spašavanju ljudi i materijalnih dobara, o čemu odlučuje starješina vatrogasne jedinice koji upravlja intervencijom.

(3) U uslovima iz stava 2. ovoga člana, starješina vatrogasne jedinice koji upravlja vatrogasnom intervencijom, može narediti da na posao pozove potreban broj vatrogasaca svoje jedinice koji nisu u zatečenoj smjeni ili su odsutni iz nekog drugog razloga, osim bolovanja, ako ocijeni da je njihovo angažovanje nužno radi djelotvornog okončanja intervencije, a pozvani vatrogasci su se dužni odazvati tom pozivu.

Član 36.

(Veličina vatrogasne jedinice)

(1) Pri utvrđivanju broja vatrogasaca u vatrogasnoj jedinici iz člana 33. ove Odluke, mora se voditi računa da jedinica u svakoj smjeni koja je na dužnosti bude po svom brojčanom sastavu i tehničkoj i drugoj opremi tako formirana da bude sposobna za brzo i djelotvorno gašenje požara i spašavanje ljudi i materijalnih dobara koji su ugroženi požarom ili eksplozijom, što se određuje zajedno s elementima predviđenim Federalnim i Kantonalnim zakonom.

(2) U Planu zaštite od požara Općine, utvrđuje se ukupan broj vatrogasaca koji je potreban u profesionalnoj vatrogasnoj jedinici kao i minimalni broj vatrogasaca. Profesionalna vatrogasna jedinica mora biti opremljena odgovarajućom vatrogasnom opremom, vozilima, tehničkim i drugim sredstvima koja su prijeko potrebna da bi jedinica mogla djelotvorno gasiti požar, što se utvrđuje materijalnom formacijom jedinice koja sadrži vrstu i količine opreme, tehničkih i drugih sredstava, a prema potrebama utvrđenim u Planu zaštite od požara Općine.

(3) U skladu s podacima utvrđenim u planu iz stava 2. ovoga člana, izrađuje se osobna formacija vatrogasne jedinice Općine koja sadrži podatke o ukupnom broju vatrogasaca vatrogasne jedinice i njezinih ispostava ako ih ona ima.

(4) Osobnu i materijalnu formaciju profesionalne vatrogasne jedinice Općine, utvrđuje Općinski načelnik, na prijedlog službe civilne zaštite.

(5) Vatrogasna jedinica Općine dužna je vatrogasnu opremu, vozila, tehnička i druga sredstva stalno održavati u ispravnom stanju i pripravnosti u za to predviđenim objektima i održavanje vršiti prema uputama proizvođača o čemu jedinica vodi posebnu evidenciju.

Član 37.

(Dužnosti vatrogasca)

(1) Za vršenja poslova iz mjerodavnosti vatrogasne jedinice , vatrogasci se moraju pridržavati pravila službe, a naročito ne smiju biti pod utjecajem alkohola, opojnih droga ili omamljujućih lijekova, a za vrijeme dužnosti vatrogasci su dužni nositi vatrogasnu odjeću i propisanu ličnu zaštitnu opremu. Ako starješina vatrogasne jedinice ocijeni da je vatrogasac pod utjecajem alkohola, opojnih droga ili omamljujućih lijekova, udaljuje ga s posla i podnosi prijavu za pokretanje disciplinskog postupka.

(2) Odjeća vatrogasca ne može se nositi u slučajevima kada se vatrogasac ne nalazi na poslu, odnosno na službenom zadatku.

(3) Svi profesionalni vatrogasci službe za civilnu zaštitu podliježu obavezi stalnoga stručnog osposobljavanja i usavršavanja što ga organizuje i provode kantonalna uprava civilne zaštite i služba civilne zaštite Općine, u skladu sa odredbama Federalnog zakona i Kantonalnog zakona.

Član 38.

(Službena iskaznica-legitimacija)

- (1) Profesionalni vatrogasci u vatrogasnoj jedinici dužni su nositi službenu legitimaciju(iskaznicu) za trajanje vatrogasne intervencije i za obavljanje službene dužnosti.
- (2) Oblik i sadržaj službene legitimacije vatrogasca propisuje Federalna uprava civilne zaštite. Službenu legitimaciju vatrogascu izdaje starješina vatrogasne jedinice, i o izdatim se legitimacijama vodi evidencija.

Član 39.

(Vođenje evidencije u vatrogasnoj jedinici)

- (1) Profesionalna vatrogasna jedinica dužna je voditi evidenciju o požarima i prirodnim i drugim nesrećama u kojima je jedinica sudjelovala u gašenju požara i provodila druge aktivnosti na spašavanju ljudi i materijalnih dobara ugroženih požarima i drugim opasnostima i nesrećama u skladu sa odredbama Federalnog zakona i Kantonalnog zakona.
- (2) Sadržaj i način vođenja evidencije iz stava 1. ovoga člana propisuje Federalna uprava civilne zaštite.

ODJELJAK C DOBROVOLJNA VATROGASNA DRUŠTVA I VATROGASNE JEDINICE PRAVNIH LICA

Član 40.

(Dobrovoljna vatrogasna društva)

Dobrovoljna vatrogasna društva, na području Općine, osnivaju se djeluju i prestaju sa radom, u skladu sa Zakonom o udrugama i fondacijama i djeluju kao udruge, a u odnosu na vatrogasnu djelatnost postupaju u skladu s odredbama Federalnog zakona i Kantonalnog zakona.

Član 41.

(Vatrogasne jedinice pravnih lica)

- (1) U Planu zaštite od požara Općine, određuju se pravna lica koja su dužna osigurati i vatrogasnu jedinicu ili na drugi način osigurati zaštitu od požara.
- (2) Obavezu iz stava 1.ovoga člana imaju pravna lica u kojima se proizvode, prerađuju, distribuiraju ili skladište zapaljive, eksplozivne i ostale opasne tvari, u kojima zbog toga postoji povećana opasnost od požara ili eksplozija što se određuje prema propisu Federalnog zakona.
- (3) Pravna lica koja nisu obuhvaćene stavom 2. ovoga člana samostalno odlučuju o potrebi osnivanja vatrogasne jedinice za svoje potrebe, što vrše u skladu sa svojom procjenom ugroženosti od požara i potrebama zaštite i spašavanja ljudi i materijalnih dobara pravnih lica.

POGLAVLJE IV
GAŠENJE POŽARA-VATROGASNE INTERVENCIJE

Član 42.

(Dužnost građana, pravnih lica i organa uprave u gašenju i dojavi požara)

- (1) Svaki građanin koji uoči požar dužan ga je ugasiti ako to može učiniti bez opasnosti za sebe i druge.
- (2) Ako građanin nije u mogućnosti ugasiti požar, dužan je o požaru odmah izvijestiti najbližu vatrogasnu jedinicu ili operativni štab civilne zaštite, odnosno policijsku stanicu.
- (3) Pravna lica i državna tijela i druge institucije u kojima dođe do požara, ili kad saznaju za požar dužna su pristupiti gašenju požara i istodobno o tome odmah izvijestiti najbližu vatrogasnu jedinicu ili operativni štab civilne zaštite ili policijsku stanicu.

Član 43.

(Angažovanje snaga i sredstava na gašenju požara)

- (1) Pravna lica, državna tijela, druge institucije i građani dužni su pod uslovima i na način propisan Federalnim i Kantonalnim zakonom i drugim propisima, sudjelovati u pomaganju pri gašenju požara i spašavanju ljudi i materijalnih dobara ugroženih požarom i staviti na raspolaganje svoj alat, prijevozna, tehnička i druga sredstva potrebna za gašenje požara i spašavanje ljudi i materijalnih dobara ugroženih požarom, koje naredi mjerodavni štab civilne zaštite.
- (2) Na gašenju požara i spašavanju ljudi i materijalnih dobara ugroženih požarom prvo se angažuje profesionalne i dobrovoljne vatrogasne jedinice i vatrogasne jedinice pravnih lica koje su formirane u Općini, a ako one nisu dovoljne vrši se angažovanje snaga i sredstava civilne zaštite, odnosno zaštite i spašavanja koje su formirane u općini. Nakon toga ako bude potrebno angažuje se snage i sredstva subjekata iz stava 1.ovog člana.
- (3) Angažovanje vatrogasnih jedinica i ostalih snaga i sredstava na gašenju požara i spašavanju ljudi i materijalnih dobara ugroženih požarom, rukovođenje intervencijama, prava i obveze gasitelja i učesnika u intervencijama, vrše se na način i prema redosljedu koji je predviđen odredbama Federalnog zakona odnosno odredbama Kantonalnog zakona.

Član 44.

(Saradnja vlasnika i korisnika zemljišta, zgrada i drugih objekata)

- (1) Vlasnici, odnosno korisnici zemljišta, zgrada i drugih objekata, na području Općine, dužni su pri gašenju požara ili izvođenja drugih vatrogasnih intervencija vatrogascima i drugim sudionicima u gašenju požara dopustiti:
 - a) prijelaz preko zemljišta, zgrada i drugih objekata i njihovo korištenje za gašenje požara;
 - b) upotrebu svojih zaliha vode za gašenje požara.
- (2) Izvođenje radnji određuje rukovoditelj akcije gašenja požara na ugroženom području, o čemu se donosi rješenje. Žalba izjavljena na rješenje, ne odlaže izvršenje rješenja.

POGLAVLJE V

RADNO PRAVNI STATUS VATROGASACA I NAKNADE

Član 45.

(Radno-pravni status uposlenih u Profesionalnoj vatrogasnoj jedinici)

Na radne odnose uposlenih koji se nalaze na radu u Profesionalnoj vatrogasnoj jedinici Općine primjenjuju se propisi o radnim odnosima koji važe za državne službenike i namještenike tijela državne službe i to: za uposlenike koji imaju visoku stručnu spremu najmanje VII. stepen važi Zakon o državnoj službi Federacije Bosne i Hercegovine ("Službene novine Federacije BiH," br. 29/03, 39/04, 54/04, 67/05 i 8/06), a za vatrogasce koji imaju višu ili srednju stručnu spremu imaju status namještenika, važi Zakon o namještenicima u organima državne službe u Federaciji Bosne i Hercegovine ("Službene novine Federacije BiH," broj 49/05), te pitanja koja su određena odredbama Federalnog zakona odnosno Kantonalnog zakona

Član 46.

(Prava vatrogasaca u jedinicama dobrovoljnih vatrogasnih društava i pravnih lica)

Vatrogasci dobrovoljne vatrogasne jedinice iz vatrogasnog društva (u daljnjem tekstu: dobrovoljni vatrogasac), i vatrogasci iz vatrogasne jedinice pravna lica kada po naredbi mjerodavnog tijela uprave civilne zaštite ili štaba civilne zaštite ili drugog mjerodavnog tijela, sudjeluje u gašenju požara i spašavanju ljudi i materijalnih dobara, kao i u slučaju kada sudjeluje na poduci, stručnom osposobljavanju, ili vježbi, što ju za dobrovoljne vatrogasne jedinice, odnosno vatrogasne jedinice pravna lica organizuju tijela uprave civilne zaštite ili druga mjerodavna tijela vlasti, ostvaruju svoja prava u skladu sa odredbama Federalnog i Kantonalnog zakona.

Član 47.

(Naknade za sudjelovanje u vatrogasnoj intervenciji)

Naknade za sve učesnike, koji po naredbi mjerodavnog tijela uprave civilne zaštite ili štaba civilne zaštite ili drugog mjerodavnog tijela, sudjeluju u gašenju požara i spašavanju ljudi i materijalnih dobara, kao i naknade za sva oštećena i uništena materijalna dobra u intervencijama akcije gašenja požara, građani, pravna lica, državna tijela i druge institucije, ostvaruju na način predviđen odredbama Federalnog zakona i Kantonalnog zakona

POGLAVLJE VI

FINANSIRANJE ZAŠTITE OD POŽARA I VATROGASTVA

Član 48.

(Finansiranje zaštite od požara)

(1) Finansijska sredstva potrebna za organizovanje, provođenje i poboljšanje mjera zaštite od požara predviđenih Federalnim i Kantonalnim zakonom i ovom Odlukom, te podučavanje i osposobljavanje zaposlenih lica planiraju i osiguravaju pravna lica, državna tijela i druge institucije svaki za svoje građevine i prostore i zaposlena lica.

(2) Finansijska sredstva za potrebe iz stava 1.ovoga člana, planiraju se i osiguravaju svake godine u okviru finansijskoga plana pravnih lica, državnog tijela i druge institucije u okviru sredstava za obavljanje svoje redovne djelatnosti.

Član 49.
(Finansiranje vatrogastva)

Vatrogasna djelatnost predviđena ovom Odlukom finansira se iz:

- a) proračuna Općine;
- b) sredstava koje profesionalna vatrogasna jedinica ostvari vršenjem usluga pregleda i servisiranja aparata i instalacija za gašenje požara, obuke uposlenih i sl.
- c) sredstava pravnih lica i vatrogasnih društava;
- d) premija osiguranja;
- e) dobrovoljnih priloga ili darova pravnih i fizičkih lica.
- f) međunarodne pomoći;
- g) drugih izvora utvrđenih Federalnim i Katonalnim zakonom i drugim zakonima.

Član 50.
(Finansiranje iz budžeta Općine)

(1) U budžetu Općine osiguravaju se finansijska sredstva potrebna za finansiranje sljedećih obaveza:

- a) plaće i naknade zaposlenih u odjeljenju zaštite od požara i vatrogastva za obavljanje poslova zaštite od požara i vatrogastva koji su u mjerodavnosti Općine i službe civilne zaštite Općine;
- b) organizovanje, pripremanje, materijalno opremanje i stručna poduka i osposobljavanje profesionalne vatrogasne jedinice, za što se koriste sredstva prikupljena na osnovu člana 51. stava 1. pod b) ove Odluke, sredstva prikupljena na osnovu člana 180. Zakona o zaštiti i spašavanju ljudi i materijalnih dobara od prirodnih i drugih nesreća ("Sl. novine F BiH" br. 39/03 i 22/06) i sredstva prikupljena na osnovu člana 53. ove Odluke.
- c) sudjelovanje u saniranju posljedica na području Općine, koje nastanu požarom ili eksplozijom radi stvaranja prijeko potrebnih uslova za život ljudi na nastradalom području od požara, u skladu sa materijalnim mogućnostima Općine;
- d) pružanje pomoći dobrovoljnim vatrogasnim društvima osnovanim na području općine i grada za financiranje određenih poslova iz njihove mjerodavnosti bitnih za zaštitu od požara i vatrogastvo, a posebno za finansiranje dobrovoljnih vatrogasnih jedinica osnovanih u tim društvima, ako je to predviđeno Planom zaštite od požara Općine;
- e) naknade plaće i druge naknade predviđene Federalnim i Kantonalnim zakonom za građane i lica u radnom odnosu za njihovo sudjelovanje u gašenju požara, kao i naknade za korištenje njihovih prijevoznih, tehničkih i drugih sredstava i opreme koja se koristi u gašenju požara po naredbi Općinskog štaba civilne zaštite;
- f) druge potrebe u oblasti zaštite od požara i vatrogasne djelatnosti iz mjerodavnosti Općine.

(2) Finansijska sredstva za finansiranje zadataka iz stava 1. ovoga člana, planiraju se i osiguravaju u budžetu Općine na prijedlog službe civilne zaštite Općine.

Član 51.
(Finansiranje iz premija osiguranja)

(1) Društva za osiguranje i druge pravna lica koje se bave osiguranjem imovine pravnih i fizičkih lica, na području Općine, dužna su izdvajati finansijska sredstva u skladu sa zakonom.

(2) Sredstva iz stava 1. ovoga člana uplaćuju se, raspodjeljuju i troše u skladu sa odredbom zakona.

Član 52.
(Finansiranje dobrovoljnih vatrogasnih društava)

Dobrovoljna vatrogasna društva finansiraju se iz sredstava što ih osiguravaju osnivači društva, sredstava donacija i drugih vrsta pomoći fizičkih i pravnih lica, kao i sredstava koja se za njihove aktivnosti osiguraju u proračunu Općine.

Član 53.
(Finansiranje vatrogasnih jedinica pravnih lica)

Vatrogasne jedinice koje osnivaju pravna lica za svoje potrebe finansiraju se iz sredstava što ih osigurava pravna lica u okviru sredstava za ostvarivanje svoje redovne djelatnosti.

Član 54.
(Finansiranje iz drugih izvora)

(1) Općina u skladu sa odredbama Federalnog zakona te, Zakona o principima lokalne samouprave u Federaciji BiH br: 49/06, može donijeti odluku o taksama odnosno naknadama za vatrogastvo.

(2) Obveznike, visinu naknade odnosno takse i način prikupljanja, iz stava (1) ovog člana, kao i druga pitanja utvrđuju se posebnom odlukom Općinskog vijeća.

(3) Pravna lica koja formiraju vlastitu profesionalnu vatrogasnu jedinicu isključuju se od obaveze plaćanja naknade iz stava (1) ovog člana.

POGLAVLJE VII
UPRAVNI NADZOR NAD PROVOĐENJEM OVE ODLUKE

Član 55.
(Nadležnost u vršenju Upravnog nadzora)

Upravni nadzor nad primjenom ove Odluke vršit će mjerodavna tijela uprave kako je to predviđeno odredbama Federalnog i Kantonalnog zakona.

**POGLAVLJE VIII
KAZNENE ODREDBE**

Član 56.

Prekršaji i kazne za učinjene prekršaje pravnih lica, društvenih institucija, rukovodilaca organa uprave, upravnih organizacija, drugih državnih institucija i pojedinaca iz ove oblasti utvrđeni su odredbama Federalnog zakona.

**POGLAVLJE IX
PRIJELAZNE I KAZNENE ODREDBE**

Član 57.

(Rokovi za donošenje akata iz oblasti zaštite od požara i vatrogastva)

- (1.) Odluke, Programi, Planovi i drugi dokumenti, čije je donošenje propisano ovom Odlukom biće doneseni u roku od 90 dana od dana stupanja na snagu ove Odluke.
- (2) Općinska služba civilne zaštite će predložiti izmjene Pravilnika o unutarnjoj organizaciji i u istom utvrditi radna mjesta za vršenje poslova zaštite od požara i vatrogastva koja su ovom Odlukom stavljeni u njihovu mjerodavnost, u roku od 30 (trideset) dana, od dana stupanja na snagu ove Odluke.
- (3) Općinska služba civilne zaštite preuzima u radni odnos sve profesionalne vatrogasce i starješine profesionalne vatrogasne jedinice Općine i državne službenike koji se nalaze na radu u toj jedinici, koji se na dan stupanja na snagu ove Odluke zateknu na radu u njima i raspoređuju se, odnosno postavljaju na radna mjesta utvrđena u pravilniku o unutarnjoj organizaciji službe civilne zaštite iz stava 2. ovog člana za koja ispunjavaju utvrđene uslove.
- (4) Objekti, oprema, tehnička i druga sredstva kojima raspolaže profesionalna vatrogasna jedinica osnovana na osnovu Odluke o osnivanju vatrogasne jedinice br:02-781/07 od 14.12.2007.god. na dan stupanja na snagu ove Odluke, preuzima Općinska služba civilne zaštite .
- (5) Izvršenje poslova iz stava 1. do 4. ovoga člana osigurava Općinski načelnik.

Član 58.

Danom stupanja na snagu ove odluke prestaje da važi Odluka o osnivanju vatrogasne jedinice br: 02-781/07 od 14.12.2007.godine.

Član 59.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Josip Malbašić

Odluka je objavljena na oglasnoj tabli Općine Vareš 31.01. 2012 .godine

OPĆINSKI NAČELNIK

Hamdo Fatić

OBRAZLOŽENJE

Zakonom o zaštiti od požara i vatrogastvu Federacije BiH, te Zakonom o zaštiti od požara i vatrogastvu ZE-DO kantona propisana je nadležnost Općine da svojim propisom reguliše i utvrdi nadležnost svojih organa u ovoj oblasti.

U članu 165 Zakona o zaštiti od požara i vatrogastvu („Sl. novine Federacije BiH br:64/09), je propisano da Općina svojim propisom utvrdi nadležnost svojih organa vlasti u oblasti zaštite od požara i vatrogastvu i druga pitanja koja su za Općinu pravosnažna ovim Zakonom, kao i pitanja koja nisu uređena ovim Zakonom, a važna su za organizaciju i efikasno funkcionisanje zaštite od požara i vatrogastvu na području Općine.

U članu 145 Zakona o zaštiti od požara i vatrogastva je propisano da je Općina dužna svojim propisom utvrditi nadležnost svojih organa vlasti u oblasti zaštite od požara i vatrogastva, kao i druga pitanja važna za organizaciju i efikasno funkcionisanje zaštite od požara i vatrogastva na području Općine. .

Članom 22 Statuta općine Vareš broj: 01-25/09 od 29.01.2009.godine, je utvrđena nadležnost Općinskog vijeća za donošenje propisa i drugih akata iz samoupravnog djelovanja Općine.

OPĆINSKI NAČELNIK

Hamdo Fatić